

Jí² gasii¹ in San Judas tii² i 'in jai² líi² Jesucristo

Sii¹ i Judas jí² tya¹ 'in gatø² Dios

1 1 Jna-a Judas sái³ na 'e jí² lo. Jna-a jaain²¹ 'in jmoo¹ o jilaa²¹ to² tyu¹² Jesucristo, joon ruu¹²¹ na Jacobo. Sái³ na 'e jí² lo tyii¹ 'in gatø¹ Dios Jmii²¹ 'e nuu² uu¹ júu³ tya'a. 'iin²¹² mo Dios 'naa' joon un'øø¹ i 'naa' 'wii¹³ Jesucristo. **2** Cwocwo¹ o Dios fo'feei¹ -tsi tyii¹ joon 'e ñí² oo' 'e jløø¹³ mo Dios Jmii²¹ coon¹³ 'naa', joon 'iin²¹² mo Dios 'naa'.

La no-o jmoo¹ o 'in 'ee¹ júu³ tajuu²¹

3 Tsaru¹ u' 'in 'iin²¹² na, 'áa¹ mo gali'in²¹² na sái³ na coon²¹ jí² tyii¹ cwáain¹ tya' to² jmoo¹ o Dios 'wii²¹² tyi'. Pe la no-o sityée¹ na jmii²¹² wa'a sái³ na 'e jí² lo tyii¹ 'e mí³ ii tyaní² ii' 'e jmaa² aa' taa¹²¹ a 'wii²¹² tya' júu³ 'e tsáa¹ mo-'oo', júu³ gacwoo¹ Dios tsá² tya'a coonti. **4** Tsu 'inlíi¹³ tsá² jee²¹² 'naa' jin¹² 'e jai² líi² i Cristo pe tsá² tajuu²¹ mo 'ii. 'Uun²¹ mo 'e² e tsá² júu³ 'e jo jo¹. Tsá² gó² 'ino. 'In tsá² tajuui²¹ no jin¹² in 'e tsu 'wii¹³ feei¹ -tsi Dios 'wii²¹² tya' tsaa² tya' tsá² lí² -i jmá¹ tsá² doñi'ee 'e gó² 'e 'iin²¹² in. Joon coon¹³ la joon jmoo¹ o jo tsáai¹ -tsi 'in jaan²¹ mo Fii²¹ i' Dios Jmii²¹ coon¹³ Ña'ñu¹ u' Jesucristo. Joon gajin¹² jí² tya' Dios calii 'ee ilí² tya' 'in tsá² tajuui²¹ no.

5 Xufiin¹³ tyú² ñí² oo' 'e gajmaa¹ a Ña'ñu¹ u' 'iin²¹² na untii¹³ i-'oo' xiiala ga'in¹ Ña'ñu¹ u' joon gauntyée¹ mo 'in jo jai² galíi² jee²¹² tsá² Israel xufiin¹³ gatyí¹³ mo jilee¹²¹ li sii²¹ Egipto do. **6** Cwotii¹³ -'oo' jon xiiala gatain¹ Dios Jmii²¹ 'in ángeles do tya'a 'nuñí³ tsu 'wii¹³ gatuu¹ u' án³ tya'o. Do-o taain²¹² li nuu²¹ si'máa¹ i ca tí² jmii²¹² ilisá² 'ii²¹ tya'a. **7** La joon lí² coon¹³ 'in tsá² néei¹ fuu²¹ Sodoma coon¹³ Gomorra coon¹³ fuu²¹ náa¹ co'. Gatuu¹ o 'in tsá² do 'e tii² jmáa¹ a tsá² coon¹³ tsamí² joon gajmaa¹ a coon¹³ 'in tún² mo. 'E joon lawa coon²¹ lí² tya' Dios Jmii²¹ líi¹ i 'in tsá² do tya' jilee¹²¹ tsá² taain²¹² juncwii²¹. Gajuun²¹ Dios fuu²¹ goo¹ o 'ido joon ní² 'in tsá² do wúu¹ coon¹³ jí² 'e coo²¹ coon²¹ tøø² mo. **8** La joon líi¹ i 'in tsá² tajuui²¹ no 'e tyaa¹ júu³ 'e gacii¹ 'e lí¹ o jmaa¹ a 'e gó². Tyaa¹ 'in tsá² do júu³ 'e lí² un'leei¹²¹ tsá² yaai coon¹³ tsamí² si coon¹³ 'in túin¹ 'ee. Tyaa¹ o júu³ 'e lí² 'ee¹ mo tsá² 'in 'oo¹ o to² joon faa¹²¹ a 'laa' tya' ángeles tya' Dios. **9** Pe jiin¹³ Miguel, 'in ángel 'in feei¹ gi tya' Dios, jo gajíi² in 'in 'lii¹³ mo jo gacwo¹ júu³ ruu¹²¹ i coon¹³ 'in 'lii¹³ cwáain¹ tya' moo¹ taai² 'lii²¹² Moisés. Lí¹ jiin¹³ 'e faa¹²¹ o: “Cwo'e² e Ña'ñu¹ u' 'nu.” Tsu 'in 'lii¹³ do líi¹ i 'ii¹³ nifu tya' Dios la mo jéei¹. **10** Pe 'in tsá² tajuui²¹ no faa¹²¹ a 'laa¹²¹ tya' 'e jo ñí¹ i. Joon coon¹³ jilaa²¹ 'e jmoo¹ o la jmoo¹ o joo'núu³ 'in jmoo¹ o jiin¹³ la 'iin²¹² in joon un'lee¹²¹ mo ti li 'lii¹³. Lí¹ 'lii¹³ tsalíin².

11 Fúu² 'áa¹mo 'ido tsu ningalíin² la fu¹ gangó¹ Caín 'in gajmaa¹a jiin¹³ la 'iin²¹²in. Joon gatuu²⁰ 'e fu¹ tyú² la gatuu²¹ Balaam 'e jnaa²¹a cuu². Joon ityé¹mo Dios 'ii la gatséi¹ Coré 'wii²¹² tya' ga'noo¹⁰ mii¹³ tya' 'in tyu² to². **12** Joon 'in tsá² tajuui²¹ no jalíin² gø²⁰ø jo 'ee un'goo²¹ 'e cwo² Dios. Joon un'lii²¹²i li sicaan²¹naa' cøø²⁰øø' jmi²¹² mo untii¹³-tsi ruu²¹i ijó¹ Ña'ñu^{1u}. Líi¹i 'in tsá² do la lí¹ jní¹ tyuun²¹. Jmai² tyí² 'e jní¹ do jo jmi¹ jéei¹. La joon jon júu³ tya' 'ino, jmai² tyí² taa¹³ jo 'ee to² 'iin³ tya' jiin¹³ jaain²¹. 'Ino líi¹i la lí¹ 'mó² 'oofuu²¹ 'e mo tí² jiin²¹ tya'a jo cwo¹ 'oofuu²¹. Joon gasø¹ tsá² la tyan¹ jmóo³ joon lityuun²¹ coonti.

13 Jmoo¹⁰ 'ino la jmoo¹⁰ jmi¹ñi¹³ 'e jnoo¹⁰on tí² la ngóo¹ 'naai¹³ jo ján². Lí¹ jon¹ 'lii¹³ coonti. 'Inlíi¹³ tyaa¹ cwo²¹⁰ 'in tajuui²¹ do juncwii²¹ tya'a 'e líi²i coon¹³ la joon tiin¹³in tyani Dios pe jon' la joon. Joon Dios ipii¹in 'ii li nuu²¹ coonti.

14 La gajin² 'lii²¹² Enoc tya' 'in tsá² tajuui²¹ no. 'In Enoc do 'in galiseein²¹ (tí² dyíá²) ciin²¹gi lagi 'lii²¹² Adán. Joon coon¹³ 'ii²¹ tya' Dios gajin²in: “Gamáa¹na Ña'ñu^{1u} joon ijó¹ coon¹³ 'ii¹³ tya'a fúui¹ 'áa¹mo.

15 Joon ijmaa¹a 'ii²¹ røø²¹ tya' jileei²¹ 'in nigajmaa¹a 'e gó², jo tsaa¹²-tsi Dios, joon ni gafaa²¹a 'laa²¹ tya' Dios Jmii²¹.” Jiin¹³ 'eno-o júu³ gatyaa¹ Enoc do. **16** Tsá² jo 'ee tí²-tsi 'in tsá² tajuui²¹ no, jmai² to² cwo¹ tsaa². Jiin¹³ ngi¹ to² 'noo¹⁰o jiin¹³ 'e 'iin²¹²in. Tyaa¹ júu³ 'e jmoo¹⁰o jløø¹³ joon faa²¹a 'e tyú² tya' tsá² 'iin²¹²in wa'a 'ee icwoo¹ tsá² 'ii.

'íi¹ Judas júu³ 'e 'ná¹ jmáa¹a 'in jai² líi²

17 Pe 'naa', tsaru^{1u} 'in 'iin²¹²na, cwotii¹³-'oo' la gajin² 'in apóstoles tya' Ña'ñu^{1u} Jesucristo ca la mo jéei¹: **18** “Mi tí² jiin²¹ 'e tí² lityéi¹ juncwii²¹ iliseein²¹ tsá² 'in ungøøi¹ 'naa' jilaa²¹ 'e tsáai¹-'oo' joon ingi¹ to² jmoo¹⁰o jiin¹³ 'e gó² 'e tí²-tsi. Jo jmoo¹⁰ la to² tyu' Dios.” Jin² apóstoles do. **19** 'In tsá² no jmoo¹³ poo²¹² jee²¹² 'naa', tí²-tsí 'e jmoo¹⁰o jilaa²¹ 'e gó² sá² juncwii²¹ joon jo mo 'í² Espíritu Tyú² tya' Dios almas tya'a.

20 Pe 'naa', tsaru^{1u} 'in 'iin²¹²na, tá² táain¹-'oo' coon¹³ jilaa²¹ júu³ 'e tsáai¹-'oo' 'e gacwoo¹ Dios. Joon jmaai¹³ júu³ 'e tyú²-u tya' Dios. Fáa¹³aa' júu³ tyú² coon¹³ 'ii²¹ tya' Espíritu Tyú² tya' Dios. **21** Cwoliseen²naa' 'e líiin²¹²mo Dios 'naa', joon sijaan²¹oo' 'e jmi²¹² mi cwo² Ña'ñu^{1u} Jesucristo jna' coon¹³ 'e fee¹-tsi coon²¹ juncwii²¹ 'e jo tyéi¹.

22 'In jo mo galitsáai¹-tsi tyú² cwotyáa²aa'-tsi. **23** 'Inlíi¹³gi tyíi²naa' jee²¹² jí² 'e itiin¹³mo. Jmaa²aa' feei¹-'oo' 'wii²¹² tya' 'inlíi¹³. Pe cwo'ee¹moo' 'e gó² 'e nigajmaa¹a 'ino.

'íi¹ Judas júu³ 'e un'goo²¹ tsá² Dios Jmii²¹

24-25 Pe Dios lí²-i un'øø²¹i 'naa' 'e jo xuu²¹naa' tsaa² tyii'. 'Ii-o lí² tø¹⁰ø 'naa' li tyíin¹in li 'ya²gi tya'a jløø¹³moo' 'áai¹ coon¹³ jiin¹³ coon²¹ tsaa² tyii'. Cwolí² jilaa²¹ 'e 'ya²gi tya' 'in Dios 'in jmi¹-tsi. Jaan²¹mo 'ii. Cwolí²

feei'¹gi 'ii joon jiin'¹³ 'ii t̃ii'² to², jiin'¹³ 'ii-o lí² jmaa¹a 'ii'²¹ 'wii'¹³ cwáain¹
 tya' Ña'ñu'¹ʔ Jesucristo. Cwolí² tya'a jilaa'²¹ ca la mo 'wiin'²¹², ca nano,
 ca la t̃øø²mo. Amén.